

## Maaskluiverkes update!!

De afgelaope kier, hadde veer de deadline vaan de buurtpraat gemis...vaandaor dat veer terök kieke op de afgeloupe 4 maond. Met naatuurlik de vastelaovend es hoegtepunt!!

Op dreij jauari, met de oliebolle nog in uzze maog, woorte de nuij prins en prinses vaan de Maaskluivers oetgerope. Zoe es wie eder jaor, maakte de wérregroep daor een prachtige oetvoering vaan, met dit jaor es



thema; indiaane. Alle raodslede danste vrolik met op 't podium, vermomd es wie cactusse...Oeteindelijk waor 't binkelik momint daor en woorte Prins Jayme d'n ierste en zien prinses Zonne bekind gemaak.

Veur hun waor 't een kort seizoen, meh wel eint met völ hoegtepunte. De cortégge in Mestreech, de kinderzitting in de platte zaal en naatuurlik de vastelaovend in Borghare. Helaas heet 't weer hun neet gans metgezete, meh desoondaanks waor 't ouch veur hun 'nne vastelaovend um noets te vergete!!



Heij beij ouch naomes Prins Jayme en prinses Zonne, nog 'nne groete merci aon de raad vaan éllef, de werregroep, de Beerbieters, en hunne prins Pedro, de Neutetikkers met hun prinses Wendy en alle luj boe ze zoevöl keertsjes en kedokes vaan hóbbe oontvaange.....'t waors geweldig!!

...Meh wie gaw es wie de vastelaovend d'r waor, zoe gaw waor heer ouch weer verdwene!!

Langzaam weurt t tied veur 't veurjaor, en dat heet Borghare gevierd met de kerremis. 4 daog, en op zondag 'nne braderie... Veur, es vereinniging de Maaskluivers, stoonte ouch op de braderie, met get activiteite veur de jäög. Us doel; nuij vrijwilligers....en dat is gelök!! Veur mage us verheuge op get nuij geziechte, en daor zien veer hiel content met!! (meh d'r is nog plaots genoeg huur..geer zeet nog steeds welkom!! )

Noe goon v'r weer weijer...volgende week geit keender vakantie werrek nog op stap, de ierste vergadering euver 't zomerkamp is geplend, en ouch de datum veur de viering vaan us 40 jaorig zjubileij steit al vas... noteer 't meh alvas; 't wiekent vaan 8 & 9 juli 2017 viere veer fees!!

Kompliminte, De Maaskluivers

